

Kisah dari Huo Huan: Asal Usul Book Bugs

Pernahkah anda terfikir tentang bagaimana rekahan di Faultends terbentuk? Menurut legenda, berjuta-juta tahun dahulu ada sebuah buku gergasi terhempas ke bumi dan kawasan itu kini dikenali sebagai Faultends. Buku gergasi itu membentuk sebuah kawah besar apabila terhempas, dan banyak rekahan mula menjalar bak ular di bawah permukaan tanah.

Para saintis tidak pasti bagaimana ia berlaku, tetapi rekod keturunan terdahulu menyatakan bahawa generasi pertama Book Bugs muncul dari dalam halaman buku itu. Sepanjang peredaran masa, Bugs mendapati diri mereka mengembara melintasi Bugtopia untuk mencari tempat kediaman. Buku itu menjadi umpama sekam yang kosong, terbiar dan terdedah kepada angin yang menderu dan panas terik Huo Huan.

Tahun-tahun berlalu, halaman-halamannya gugur dan berselerakan ditiup angin. Kepingan-kepingan buku yang tinggal lenyap begitu sahaja. Yang tinggal hanyalah rekahan di tanah. Jadi, dari manakah sebenarnya datang buku itu? Apakah jenis buku itu? Nah, itulah satu misteri yang mungkin tidak dapat diuraikan oleh Bugs. Lagipun, alam semesta sememangnya memiliki rahsianya yang tersimpan sendiri.

Namun, anda pasti ingin tahu, bukan? Berikut ialah pembayangannya: Lain kali, apabila anda mengunjungi perpustakaan, ambil sebuah buku. Baca cerita-cerita di dalamnya dan temui bagaimana pelbagai alam boleh tersingkap dalam imaginasi anda. Saksikan bagaimana watak-watak hidup melalui kata-kata dan bagaimana cerita itu dirasakan bernyawa di alam nyata.

Mungkin anda kini faham bagaimana Book Bugs muncul...